

Ժողովուրդ

48
(2714)

4 ապրիլի երեքշաբթի 2023
տպագրության ԺԲ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԻՆՉՊԵՍ Է ՏԱԲԱԾՎԵԼ ՏԵՄԱՆՅՈՒԹԸ



Ինչպես հայտնի է, Ազգային ժողովի պետաիրավական հանձնաժողովի մարտի 31-ի նիստի ժամանակ միջադեպ էր տեղի ունեցել հանձնաժողովի նախագահ, իշխող «Քաղաքացիական պայմանագիր» խմբակցության պատգամավոր Վլադիմիր Վարդանյանի և ընդդիմադիր «Հայաստան» խմբակցության պատգամավոր, ՀՀ Ռազմակցության անդամ Միեր Սահակյանի միջև:

Մենք գրել էինք, որ վիճաբանությունը եղել է այն բանից հետո, երբ փակ նիստի ժամանակ ընդդիմադիր պատգամավորները, հանձին «Հայաստան» խմբակցության քարտուղար Արծվիկ Մինասյանի, խոսել է Հռոմի կոնվենցիայի մասին, ՌԴ նախագահ Վլադիմիր Պուտինին ձերբակալելուց՝ ասելով, թե այս իշխանությունները կրկին փորձանք են բերում: Այս խոսքերին արձագանքել է ՔՊ-ական պատգամավոր Վլադիմիր Վարդանյանը, հայտարարել, թե ՀՀ-ն է փորձանք բերել, ինչին հետևել է ընդդիմադիր պատգամավոր Միեր Սահակյանի խոսքերը. «Մի՛ գոռա, ծայր մի՛ բարձրացրո՛ւ»: Վարդանյանը հակադարձել է. «Ում վրա ուզեմ, գոռալու եմ, ինչ ուզեմ, անելու եմ»: Վարդանյանը նետվել է դեպի Միեր Սահակյանը ու ինչ-որ բան ասել, վերջինս էլ հարվածել է:

Եվ, ահա, այդ դեպքից ժամեր անց Ազգային ժողովի շենքում գործող տեսակարահանող սարքերի ձայնագրությունները տարածվեցին համացանցում և սոցիալական կայքերում: Ընդ որում այդ տեսաձայնագրություններն առաջինը տարածել էին իշխանության ներկայացուցիչներին պատկանող լրատվական կայքերը:

Ուշագրավ է, սակայն, որ ամենակտիվն այս հարցում եղել է medianews-ը, որի հիմնադիրը վարչապետի աշխատակազմի դեկավարի տեղակալ Տարոն Չախոյանն է, այսինքն՝ նա օգտագործել է իր լծակները՝ այդ տեսանյութերը ունենալու և առաջինը տարածելու համար:

ArmLur.am-ը փորձել էր հենց Տարոն Չախոյանից հասկանալ, թե ինչպես է այդ տեսանյութն առաջինը հայտնվել իրեն պատկանող լրատվամիջոցում, սակայն վերջինս հայտարարեց. «Շատ բան եմ կապում իմ անվան հետ, դա դեռ չի նշանակում, որ ես կապ ունեմ»: Իհարկե, նա փորձում է հերքել թե՛ իր կապ ունենալը, թե՛ որպես պաշտոնյա, իր լծակներն օգտագործելով այդ տեսանյութը ստանալու հանգամանքը. փաստերն ինքնին խոսում են:

Հավելենք, որ այս հարցով Ազգային ժողովում ծառայողական քննություն է սկսվել՝ հասկանալու համար, թե ինչպես են տեսախցիկների տեսագրությունները տարածվել: Այս մասին մեզ հայտնել էր ԱԺ լրատվական ծառայության պետ Լաուրա Աստոնյանը: ArmLur.am-ը հետամուտ կլինի այս հանգամանքին՝ պարզելու, թե ՊՊԾ ենթակայությամբ կառավարվող տեսախցիկների նկարահանածը ինչպես հանրային դաշտ մտավ:

«Ժողովուրդ» օրաթերթը տեղեկացավ, որ ՀՀ գլխավոր դատախազ Աննա Վարդապետյանն արդեն խորհրդարան է ներկայացրել Հայաստանի Հանրապետության դատախազության նախորդ տարվա գործունեության մասին հաղորդումը: Այն բաղկացած է 164 էջից: Այս հաղորդումը պետք է քննարկվի ԱԺ լիագումար նիստում, սակայն մինչ այդ հանձնաժողովի նիստում կքննարկվի: Եվ այսպես, «ԱԺ կանոնակարգ» օրենքի 126-րդ հոդվածում սահմանված է, որ գլխավոր դատախազի հաղորդումը խորհրդարանի համապատասխան հանձնաժողովում քննարկվում է այն ներկայացնելուց հետո՝ մեկամսյա ժամկետում, իսկ, ահա, երկամսյա ժամկետում խորհրդի սահմանած օրը, քննարկվում է Ազգային ժողովի հերթական նիստերում: Այսինքն՝ սպասվում է, որ Աննա Վարդապետյանը խորհրդարան կգա և կներկայացնի տարեկան հաղորդումը մինչև ամառ, քանի որ նա կարող է դա անել միայն հերթական նիստերի ժամանակ: Արտահերթ նստաշրջանում տարեկան հաղորդումը չի կարող քննարկվել: Եւ ուշագրավ է, որ Վարդապետյանը ներկայացնելու է Արթուր Ռավթյանի օրոք կատարված 1 տարվա աշխատանքը:



ԱԺ մարդու իրավունքների և հանրային հարցերի մշտական ժողովի արտահերթ նիստում այսօր կքննակվի ՀՀ ՄԻՊ թեկնածուի հարցը: Ինչպես հայտնի է, օմբուդսմենի թեկնածուները երկուսն են՝ Անահիտ Մանասյան և Էդգար Ղազարյան: Հանձնաժողովի անդամներն իրենց քվեարկությամբ պետք է ընտրեն թեկնածուներից մեկին և նրան առաջադրեն ԱԺ-ին: Մեր տեղեկություններով՝ ՔՊ-ն միասնական որոշում ունի արդեն այս հարցում: Բանն այն է, որ ՔՊ-ականներն ԱԺ մարդու իրավունքների և հանրային հարցերի մշտական ժողովում 1 ներկայացուցչով ավելի շատ են, ուստի մտադիր են միասնական դեմ քվեարկել Ղազարյանի թեկնածությանը, որպեսզի գլխադասային հանձնաժողովը ԱԺ-ին առաջադրի իրենց թեկնածուին՝ Անահիտ Մանասյանին: Մեր տեղեկություններով՝ ՔՊ-ականներն արդեն «սցենար» են մշակել, որ պետք է իբրև պատճառաբանություն բերեն Ղազարյանի խիստ քաղաքականացվածությունը, մտադիր են հիշեցնել նրա նախկինում արած հայտարարությունները և գրառումները, որտեղ քննադատում է գործող իշխանություններին՝ ցույց տալու համար, որ Էդգար Ղազարյանը չի համապատասխանում չափորոշիչներին և չի կարող «անաչառ» օմբուդսմեն լինել: Իսկ թե որքանով է իրենց թեկնածուն (որը հանրության համար ոչ հայտնի դեմք է) համապատասխանում Սահամանադրությամբ ՄԻՊ-ի համար սահմանված չափորոշիչներին, ՔՊ-ականներն իրենք էլ թերեւս այս հարցի պատասխանը չունեն: Կառավարությունից պարտադրել են կողմ քվեարկել, ուրեմն կքվեարկեն:



«Ժողովուրդ» օրաթերթի տեղեկությունների համաձայն՝ քննչական մարմիններում վարչության պետերի ազատման շարք է սպասվում առաջիկայում: Բանն այն է, որ դատախազներն ու քննիչները լուրջ բախումների մեջ են, ու լարվածությունն այն աստիճան է խորացել, որ անգամ ցանկացած քրեական վարույթի շրջանակներում, երբ նախատեսվում է հանդիպում քննիչների ու դատախազների միջև, նրանք չեն հանդիպում, իսկ գրավոր փաստաթղթերում էլ միմյանց հասցեին ընդհուպ վիրավորանքներ են շարադրում: Ըստ իրավապահ համակարգում տարածված լուրերի՝ գլխավոր դատախազ Աննա Վարդապետյանը «պատերազմ» է հայտարարել եւ՝ քննչական կոմիտեի նախագահ Արգիշտի Քյարամյանին, եւ՝ Հակակոռուպցիոն կոմիտեի նախագահ Սասուն Խաչատրյանին: Ըստ իրավապահ համակարգում տարածված լուրերի՝ այս ամենի նպատակը նրանց նոր անձանցով փոխարինելն է: Թե ովքեր են հավանական թեկնածուները քննչական մարմինների, առայժմ մեզ պարզել չհաջողվեց: Կհաջողվի արդյոք Աննա Վարդապետյանին հասնել բարձրաստիճան պաշտոնակազմություններին, թե ոչ՝ ցույց կտան զարգացումները: Այնպես է, որ քննիչների ու դատախազների հարաբերություններն անքան են լարվել, որ լուրջ գործերով քննություն իրականացնող վարչության պետեր պատրաստվում են ազատման դիմում գրել. նրանց չի պահում անգամ մեկ միլիոն և ավելի աշխատավարձը:



ԻՐԱՎԻՃԱԿ

ՏԱՐԱԾԱՇՈՂՁԱՆ

ԵՄ ԿԱՐԵՎՈՐ ՆԵՐՔՐԱՎՎԱԾՈՒԹՅՈՒՆ

ԱՊՕՐԻՆԻ ԳՈՒՅՔ

2022 թվականի ընթացքում Գլխավոր դատախազության ապօրինի ծագում ունեցող գույքի բռնագանձման վարչությունը ստացել է 50 քրեական գործով...

ՀԱՅՏՆԱԲԵՐՎԵԼ Է ՌԱԶՄԱՄԹԵՐՔ

Մարտի 27-ից ապրիլի 3-ն ընկած ժամանակահատվածում ԱԻ պետական ծառայության կենտրոնական ու շրջանային բաժինների ճգնաժամային կառավարման կենտրոններում գրանցվել է 636 զանգ...

2022 թվականի սեպտեմբերին Հայաստանի նկատմամբ Ադրբեջանի ագրեսիայից անմիջապես հետքեր առնող Հայաստան-Ադրբեջան միջազգային սահմանի հայկական կողմն է հետագայում ԵՄ երկարաժամկետ ֆառագիական մեծադիտարկման առաջնությունը հանդիսանում է ԵՄ կարևոր ներգրավվածություն մեր սահմանափակում...

«Մենք գնահատում ենք Ռումինիայի արժեքավոր ներդրումը ԵՄ համապատասխան քննարկումներում», - ԶԶ ԱԳՆ լրատվական վարչության փոխանցմամբ՝ ասել է Միդլանդեր ռումինացի գործընկեր Բոգդան Աուրեսուի հետ համատեղ ասուլիսի ժամանակ:

«Ես ներկայացրի գործընկերոջս այն գոյաբանական մարտահրավերները, որոնք սպառնում են են Հայաստանի Հանրապետությանը, եւ Լեռնային Ղարաբաղի ժողովրդին: Ցավովք, Լեռնային Ղարաբաղի ժողովրդի իրավունքների ու անվտանգության հարցերը հասցեագրելու վերաբերյալ միջազգային հանրության կոչերին Ադրբեջանը պատասխանում է 2022թ. դեկտեմբերից ի վեր Լաչինի միջանցքի արգելափակմամբ, ահաբեկումներով, ինչպես նաև Լեռնային Ղարաբաղի հայությանն իրենց տները հարկադրաբար լքելուս դրող այլ գործողություններով ու էթնիկ զտումներով համակարգված քաղաքականությամբ»:

Միջազգային կառույցների թիրախային կոչերի եւ պահանջների շարքում Հայաստանի արտաքին քաղաքական գերատեսչության ղեկավարն ընդգծել է Ադրբեջանի դեմ Արդարադատության միջազգային դատարանի փետրվարի 22-ի իրավաբանական պարտադիր ուժ ունեցող որոշումը:

«Լաչինի միջանցքի ապօրինի արգելափակումը 2020թ. նոյեմբերի 9-ի եռակողմ հայտարարության միակ բացառությամբ»:

ՕՐՎԱԿԱՆԱԿԱՐ

ԳՈՒՆԵՐԸ «ՓԱՆԵՆ» ՆՐԱ ՀԱՄԱՐ

Անկարայում ԱՄՆ դեսպան Ջեֆ Ֆլեյշը այլևս չի կարողանա այցելել թուրք պաշտոնյաներին. մայիսի 14-ի ընտրություններում միասնական ընդդիմության թեկնածու Քեմալ Զըլքըդարողլուի հետ հանդիպումից հետո դռները «փակ են» նրա համար:

«Մեր դռները փակ են նրա առջեւ, եւ այլևս չի կարողանա ներս մտնել: Ինչո՞ւ: Թող նա իմանա իր տեղը», - ասել է Էրդոհանը՝ հավելելով, որ Ֆլեյշը պետք է պարզի, թե ինչպես պետք է աշխատի դեսպանը:

Հիշեցնենք՝ Թուրքիայում նախագահական եւ խորհրդարանական ընտրությունները նախանշված են մայիսի 14-ին: Մարտի 30-ին Թուրքիայի Գերագույն ընտրական խորհուրդը ներկայացրել է նախագահական խախտումները չեղարկելու մասին որոշումը:



հայտ խախտումը չէ: Զկա հայտարարության գրեթե մի դրույթ, որը խախտված չլինի Ադրբեջանի կողմից: Հայ ռազմագերիներին շարունակաբար պատանդառության մեջ պահելու, ինչպես նաև Հայաստանի Հանրապետության ինքնիշխան տարածքով արտատարածքային միջանցքի պահանջների հետ մեկտեղ, Ադրբեջանը չի ապահովում «ներքին տեղահանված անձանց եւ փախստականների վերադարձը Լեռնային Ղարաբաղի տարածք եւ հարակից շրջաններ» ՄԱԿ-ի փախստականների հարցերով գերագույն հանձնակատարի գրասենյակի վերահսկողության ներքո»:

Նա նաև շարունակել է. «Ավելին՝ Ադրբեջանը շարունակում է ամենաբարձր մակարդակով ինչեցնել իր ատելության խոսքը եւ ռազմատեսչ հռետորաբանությունը, ինչպես նաև տեղում համակարգված ագրեսիվ գործողություններ իրականացնել եւ օկուպացված պահել Հայաստանի Հանրապետության ինքնիշխան տարածքի շուրջ 150 քկմ»:

«Մենք կարծում ենք, որ մեր գործընկերները, միջազգային հանրությունը կարևոր դերակատարում ունեն, որը հնարավոր է իրականացնել՝ օգտագործելով համապատասխան գործիքներն ու մեխանիզմները, այդ թվում՝ միջազգային փաստաբանական առաքելություն ուղարկելով Լաչինի միջանցք եւ Լեռնային Ղարաբաղ», - հայտարարել է նախարարը:

«Հայաստանը բազմիցս հայտարարել է Ադրբեջանի հետ կառուցողական երկխոսություն վարելու իր պատրաստակամության մասին ատելության խոսքից, նախապայմաններից եւ ռազմատեսչ հռետորաբանությունից գերծ միջավայրում հանուն Հարավային Կովկասում կայուն խաղաղության եւ անվտանգության հաստատման: Հայաստանն ունի ամուր քաղաքական կամք տարածաշրջանում խաղաղության եւ կայունության հասնելու համար, եւ չնայած բոլոր դժվարություններին՝ մենք բարեխղճորեն շարունակում ենք բանակցություններն Ադրբեջանի հետ», - ասել է Արարատ Միրզոյանը:

ՆԱԻՐԱ ՀՈՎՀԱՆՆԻՍՅԱՆ

ի 4 թեկնածուների վերջնական ցուցակը: Նույն օրը երեկոյան ընտրաքաղաքական պաշտոնապես մեկնարկել է:

Հիմնական մրցակիցներ են համարվում Էրդողանն ու Քըլքըդարողլուն:

ՆՈՐ ՓՈՍՏԱՅԻՆ ՆԱՄԱԿԱՆԻՑԵՐ

2023 թվականի ապրիլի 3-ին շրջանառության մեջ են դրվում երկու նամակալիշ՝ նվիրված «Հայաստան- Ռումինիա համատեղ թողարկում» թեմային: Փոստային նամակալիշերից յուրաքանչյուրն ունի 400 ՀՀ դրամ անվանական արժեք: Նամակալիշերից մեկի վրա պատկերված է հայկական ծագումով ռումինացի հայտնի բժիշկ, գիտնական, աշխարհում առաջին ծերաբուժության ինստիտուտի հիմնադիր, «Յերուվիտալ» առաջին հակատարիքային միջոցի ստեղծող Աննա Ասլանի դիմանկարը, իսկ մյուս նամակալիշի վրա պատկերված է Աննա Ասլանի լուսանկարը եւ բողբոջած ճյուղը՝ նոր կյանքի խորհրդանշանը: Նամակալիշերի վրա նա-

եւ պատկերված են Հայաստանի եւ Ռումինիայի դրոշները, Աննա Ասլանի ստորագրությունը, ինչպես նաև «ԱՆՆԱ ԱՍԼԱՆ», «ՀԱՄԱՏԵՂ ԹՈՂԱՐԿՈՒՄ ՀԱՅԱՍՏԱՆ-ՌՈՒՄԻՆԻԱ» եւ «1897-1988» գրառումները՝ հայերեն եւ անգլերեն լեզուներով:

ԿԳՈՐԾՈՒՂՎԻ ՎԱՇԵՆԳՏՈՆ

Նիկոլ Փաշինյանի որոշմամբ՝ փոխվարչապետ Միեր Գրիգորյանն ապրիլի 7-15 կգործուղվի ԱՄՆ՝ Վաշինգտոն:

ArmLur.am-ը տեղեկացավ, որ փոխվարչապետն ԱՄՆ-ում կմասնակցի Համաշխարհային բանկի խմբի եւ Արժույթի միջազգային հիմնադրամի գարնանային հանդիպումներին:

Փոխվարչապետի գործուղման ճանապարհածախսի, օրապահիկի եւ գիշերավարձի ծախսերը կկատարվեն ՀՀ վարչապետի աշխատակազմի պահպանման ծախսերում արտասահմանյան գործուղումների համար նախատեսված միջոցների հաշվին:

450 ԴՈՒՍԻ ԿԱՇԱՌՔ

ՄՏԱԺԻ ՎԵՐԱԲԵՐՅԱԼ ԿԵՂԾ ՏԵՂԵԿՈՒԹՅՈՒՆՆԵՐ

ՀՀ ֆինչական կոմիտեի Մրագածոնի մարզային ֆինչական վարչությունում ավարտվել է ՀՀ աշխատանքի եւ սոցիալական հարցերի նախարարության սոցիալական առաջնությունների ծառայության Մրագածի սարածֆային բաժնում սեղի ունեցած առեւտույթ կոռուպցիոն հանցագործության դեղի առթիվ 2021թ. ապրիլի 12-ին նախաձեռնված ֆրեական վարույթի նախաֆննությունը:



Քննությանը ձեռք բերված փաստական տվյալներով՝ հիմնավորվել է, որ ՀՀ աշխատանքի եւ սոցիալական հարցերի նախարարության սոցիալական ապահովության ծառայության Արագածի տարածքային բաժնի պետի պաշտոնը զբաղեցրած Հ.Տ.-ն բաժնի ավագ մասնագետից ընդունել է մարզի մի բնակչուհու աշխատանքային ստաժ վերահաշվարկելու, նրան կաշառված կենսաթոշակի վերահաշվարկման եւ դրա տեսակը աշխատանքային հաշմանդամության կենսաթոշակի փոխելու առաջարկը: Այսուհետեւ բաժնի պետի եւ աշխատանքի կողմից քաղաքացու վերաբերյալ կազմվել է հանձնվել են ավել աշխատանքային ստաժ վերաբերյալ կեղծ տեղեկություններ պարունակող փաստաթղթեր: Դրա համար, նախնական համաձայնությամբ, 2021թ. մարտի 30-ին բաժնի պետի աշխատանքային հիշյալ ավագ մասնագետը Արագածոտնի մարզի բնակչուհու ամուսնուց՝ 57-ամյա տղամարդուց, ստացել է առնվազն 5.000 ՀՀ դրամ կաշառք, որի մի մասը նույն օրը փոխանցել է պետին:

Ձեռք բերված բավարար փաստերի հիման վրա՝ ՀՀ աշխատանքի եւ սոցիալական հարցերի նախարարության սոցիալական ապահովության ծառայության Արագածի տարածքային բաժնի պետի մեղադրանք է ներկայացվել մի խումբ պաշտոնատար անձանց կողմից կաշառք ստանալու (ՀՀ գործող քրեական օրենսգրքի 435-րդ հոդվածի 2-րդ մասի 1-ին կետ) եւ կաշառք տվողի կամ նրա մատնանշած անձի օգտին թողտվության կամ հովանավորչության կամ այլ ապօրինի գործողության կամ անգործության համար կաշառք ստանալու համար (ՀՀ գործող քրեական օրենսգրքի 435-րդ հոդվածի 2-րդ մասի 3-ին կետ):

Սույն բաժնի ավագ մասնագետին մեղադրանք է ներկայացվել խմբի կազմում պաշտոնատար անձանց կողմից կաշառք ստանալու համար:

Արագածոտնի մարզի 57 եւ 37-ամյա բնակիչներին մեղադրանք է ներկայացվել կաշառք տալու (ՀՀ գործող քրեական օրենսգրքի 436-րդ հոդվածի 1-ին մաս), իսկ 46-ամյա տղամարդուն՝ կաշառքի միջնորդության համար (ՀՀ գործող քրեական օրենսգրքի 437-րդ հոդվածի 1-ին մաս):

Բոլոր մեղադրյալների նկատմամբ որպես խափանման միջոց է ընտրվել բացակայելու արգելքը:

Նախաքննությունն ավարտվել է: Քրեական վարույթի նյութերն ուղարկվել են հսկողություն իրականացնող դատախազին՝ 5 անձի վերաբերյալ մեղադրական եզրակացությունը հաստատելու եւ գործը դատարան ուղարկելու միջնորդությամբ:

ԼՈՒՐԵՐ

ՎՃԻՌՆԵՐ՝ ԷԼԵԿՏՐՈՆԱՅԻՆ ԵՂԱՆԱԿՈՎ

Արդարադատության նախարարության հարկադիր կատարումն ապահովող ծառայությունը մշակել է շահագործման է հանձնել արբիտրաժային վճիռներն էլեկտրոնային եղանակով հարկադիր կատարման ներկայացնելու փաստաթղթաշրջանառության հարթակը:

Հարկադիր կատարումն ապահովող ծառայությունից հայտնում են, որ այն հնարավորություն է տալիս գործող արբիտրաժային դատարանների վճիռներն էլեկտրոնային եղանակով ներկայացնել հարկադիր կատարման: Արդյունքում կատարողական վարույթ հարուցելու, պարտապահի գույքի նկատմամբ հետախուզում հայտարարելու, արգելանքներ կիրառելու եւ բռնագանձում տարածելու գործողություններն այսուհետ չեն իրականացվի դատարանների կողմից տրվող կատարողական թերթերի հիման վրա, այլ կիրականացվեն արբիտրաժային դատարանների կողմից էլեկտրոնային տարբերակով ուղարկված վճիռների հիման վրա ինքնաշխատ եղանակով հարկադիր կատարողի կողմից կատարողական վարույթ հարուցելուց հետո:

Վերոնշյալ վճիռներն այսուհետ չեն մուտքագրվի ծառայության ընդհանուր բաժին, կվերանա դրանց հաշվառման անհրաժեշտությունը, քանի որ ի սկզբանե դրանք համակարգում հասանելի են դառնում էլեկտրոնային եղանակով:

Արդեն իսկ ստացվել են արբիտրաժային դատարանների վճիռները, որոնց հիման վրա հարուցվել են կատարողական վարույթներ:

Հարթակի գործարկմամբ բարձրացվել է նաեւ վճիռների կատարման արդունավետությունը, զգալիորեն կրճատվել է արբիտրաժային դատարանների վճիռների հիման վրա հարուցվող կատարողական վարույթների կատարմանը հատկացվող ժամանակը: Այս հարթակի գործարկումը միտված է նաեւ թեթեւացնելու առաջին ատյանի ընդհանուր իրավասության քաղաքացիական գործեր քննող դատարանների ծանրաբեռվածությունը:

ԿԱՆ

ՏՈՒՄԱԾՆԵՐ

Ապրիլի 3-ին՝ ժամը 01:03-ին, Ճգնաժամային կառավարման ազգային կենտրոնն ահազանգ է ստացվել, որ Երեւանի Նվեր Սաֆարյան փողոցում գտնվող գերեզմանատան մոտակայքում տեղի է ունեցել ճՏՊ, ավտոմեքենան կողաշրջվել է, անհրաժեշտ է փրկարարների օգնությունը:

Պարզվել է, որ Նվեր Սաֆարյան եւ Մարշալ Խուրյակով 4-րդ նրբանցքի խաչմերուկում բախվել են Mitsubishi Pajero եւ Volkswagen Golf (վարորդ՝ Ա. Բ.) մակնիշների ավտոմեքենաները:

Մինչ փրկարարների կանչի վայր հասնելը Mitsubishi Pajero մակնիշի ավտոմեքենայի վարորդը եւ ուղեւորը հոսպիտալացվել են «Սուրբ Գրիգոր Լուսավորիչ» ԲԿ:

Փրկարարները հոսանքագրվել են Mitsubishi Pajero մակնիշի ավտոմեքենան եւ փակել են գազի բալոնի փակարկը:

ԼՈՒՐԵՐ

ՀԱՐԿԱՅԻՆ

ԻՐԱՎԱՄԱՍՏՈՒՄՆԵՐ

ՀՀ պետական եկամուտների կոմիտեն ներկայացնում է 2023 թվականի մարտի 16-ից 31-ն ընկած ժամանակահատվածում ՊԵԿ հետաքննության եւ օպերատիվ հետախուզության վարչության իրականացրած հարկային իրավախախտումների կանխման, խափանման եւ բացահայտման ուղղությամբ համալիր օպերատիվ հետախուզական միջոցառումների արդյունքները:

22 դեպքով արձանագրվել են առանց համապատասխան հաշվարկային փաստաթղթեր դուրս գրելու ընդհանուր 4,398,587 ՀՀ դրամի ՀՀ հարկային օրենսգրքի պահանջների խախտումով ապրանքների տեղափոխման կամ մատակարարման դեպքեր: Հնարավոր տուգանքի գումարը կազմում է 22,000,000 ՀՀ

դրամ: Ներկայացվում են առանց համապատասխան հաշվարկային փաստաթղթեր դուրս գրելու ապրանքների տեղափոխման կամ մատակարարման դեպքերը:

6 դեպքով կազմվել են ապօրինի ձեռնարկատիրական գործունեությամբ զբաղվելու վերաբերյալ արձանագրություններ. ապօրինի ձեռնարկատիրական եկամտի չափը կազմել է 11,281,480 ՀՀ դրամ: Հնարավոր տուգանքի գումարը կազմում է 5,970,740 ՀՀ դրամ: Ներկայացվում են ապօրինի ձեռնարկատիրական գործունեությամբ զբաղվելու դեպքերը:

2 դեպքով արձանագրվել են լիցենզավորման կամ ծանուցման ենթակա գործունեությունն առանց լիցենզիայի կամ առանց ծանուցման իրականացնելու կամ առանց թույլտվության կամ առանց լիցենզիայի ընդերքը կամ բնական պաշարներն օգտագործելու խախտումներ: Արձանագրված խախտումների գումարը

կազմում է 34,100,000 ՀՀ դրամ: Ներկայացվում է լիցենզավորման կամ ծանուցման ենթակա գործունեությունն առանց լիցենզիայի կամ առանց ծանուցման իրականացնելու կամ առանց թույլտվության կամ առանց լիցենզիայի ընդերքը կամ բնական պաշարներն օգտագործելու դեպք:

ԿԻՆԸ ՄԱՀԱՅԵԼ Է

Ապրիլի 1-ին՝ ժամը 06:50-ին, Երեւանի Գարեգին Նժդեհի եւ Ֆրունզեի փողոցների խաչմերուկում իրար են բախվել «Մերսեդես» եւ «Ռենո» մակնիշի ավտոմեքենաներ: Վարորդները եւ «Ռենոյի» երեք ուղեւորները մարմնական վնասվածքներով տեղափոխվել են հիվանդանոց, որտեղ «Ռենոյի» 48-ամյա ուղեւորուհի Հասմիկ Սարգսյանը մահացել է: Կատարվում է նախաքննություն:

● Ըստ ոստիկանության տվյալների՝ մարտի 31-ից ապրիլի 3-ը Հայաստանի Հանրապետությունում բացահայտվել է հանցագործության 130 դեպք, որոնցից 9-ը՝ նախկինում կատարված:

«Կոնվերս բանկ»

ԹԱՐՄԱՑՎԱԾ ՀԱՎԵԼՎԱԾ



Converse Mobile-ի զարգացման ծրագրի շրջանակում «Կոնվերս բանկ»-ը ներկայացրել է նոր թարմացված հավելվածը՝ ավելի ֆունկցիոնալ ու գրավիչ ինտերֆեյսով:

ԻՆՆ է փոփոխվել Converse Mobile-ում: Մեր հավելվածի օգտագործումը դարձել է ավելի պարզ, արագ ու հեշտ: Փոփոխությունների արդյունքում հավելվածի գլխավոր էջի վերնամասում տեղադրվել են տեղեկատվական բաՆերներ, որոնցից մեկ հպումով օգտատերերը անմիջապես հասանելիություն են ստանում հետեյալ ծառայություններին.

- Snap վարկ,
- Պրոգրես ավանդ,
- հաշվի բացում,
- նոր քարտի ստացում,
- փոխանցում ընկերոջը,
- միջազգային փոխանցում,
- փոխանցում ՀՀ տարածքում,
- փոխանցում քարտին:

Պրոդուկտների ընտրությունը կատարվել է գնահատելով հաճախորդների կարիքներն ու ակնկալիքները, ինչպես նաև հաճախորդի վարքագիծն ու տարբեր պրոդուկտների նկատմամբ պահանջարկը: ԻՆՆ է շահելու հաճախորդը: Այս փոփոխության արդյունքում բանկի մոբայլ հավելվածը ֆունկցիոնալ առումով դարձել է ավելի գրավիչ եւ հնարավորություն է տալիս ոչ միայն մեկ հարթակում օգտվել բանկային հիմնական ծառայություններից՝ սկսած փոխանցումներից մինչև ավանդ ու վարկավորում, այլև՝

- առանց հավելյալ ջանքերի հասանելիություն ստանալ պահանջված գործարքներին,
- հնարավորինս քիչ ժամանակ ծախսել անվտանգ միջավայրում գործարքներ իրականացնելու համար,
- որպես հաճելի բոնուս՝ հավելվածի օգտագործման արդյունքում մասնակցել տարբեր մրցույթների ու արձավների, ստանալ հավելյալ հնարավորություններ, նվերներ եւ այլն:

Սպասել նորությունների: Իհարկե, Converse Mobile հավելվածի զարգացումը լինելու է շարունակական:

Տեղեկատվական բաներների ցանկը համարվելու է՝ հնարավորություն ընձեռելով արագ հասանելիություն ստանալ ոչ միայն այլ պրոդուկտների, այլև մասնակցել բանկի կողմից իրականացվող արձավների ու մրցույթների: Եվ սա ամենը չէ. մեծ անակնկալները առջեւում են:

Բանկը վերահսկվում է ՀՀ ԿԲ կողմից:

ԲՈՒՅԵՐ

ՄԵԿՆԱՐԿԵԼ Է 2022-2023ԹԹ. ԸՆԴՈՒՆԵԼՈՒԹՅՈՒՆԸ

Ապրիլի 15-ից մեկնարկում է 2022-2023 ուսարվա քաղաքացիների դեմոկրատիկ արձագանքի 2023 թվականի բուհերի ընդունելության համար բուհի եւ մասնագիտության ընտրության եւ ընտրած մասնագիտության համար սահմանված միասնական եւ ներբուհական ֆննդությունների հայտագրման գործընթացը:

ՀՀ ԿԳՄՍ նախարարության հասարակայնության հետ կապերի եւ տեղեկատվության վարչությունից հայտնում են, որ պետական ավարտական քննություններին մասնակցելու համար շրջանավարտը մինչև ապրիլի 15-ը գրավոր դիմում է իր ուսումնական հաստատության տնօրենին: Ուսումնական հաստատության տնօրենը ապրիլի 15-ից մինչև մայիսի 10-ը պետական ավարտական քննություններ հանձնողների ցուցակ-հայտերը մուտքագրում է Գնահատման եւ թեստավորման կենտրոնի app.dimord.am էլեկտրոնային կայքում:

Շրջանավարտը (դիմորդը) բուհը եւ մասնագիտությունը նշելու եւ նշված մասնագիտության համար սահմանված ընդունելության (միասնական, ներբուհական) քննություն(ներ)ը հանձնելու կամ հանձնած քննություն(ներ)ը մուտքագրելու համար պետք է ունենա ԳԹԿ անձնական համար եւ ապրիլի 15-ից մինչև մայիսի 10-ը առցանց եղանակով Գնահատման եւ թեստավորման կենտրոնի di2ord.am կայքէջում լրացնի ընդունելության դիմում-հայտ:

ԳԹԿ անձնական համար ստանալու համար շրջանավարտը (դիմորդը) դիմում է իր ուսումնական հաստատության տնօրենին, իսկ նախորդ տարիների եւ 2022-2023 ուսարվա նախնական եւ միջին մասնագիտական ուսումնական հաստատությունների շրջանավարտները դիմում են իրենց բնակության վայրի՝ այդ նպատակով առանձնացված ուսումնական հաստատության տնօրենին:

Ուսումնական հաստատության տնօրենը ստուգում է ընդունելության քննություն հայտագրել ցանկացող դիմորդի՝ ՀՀ ֆինանսների նախարարությունում Գնահատման եւ թեստավորման կենտրոնի 900018003401 հաշվեհամարին յուրաքանչյուր քննության համար փոխանցված 1500 (մեկ հազար հինգ հար-



յուր) դրամ վճարի անդորրագրի առկայությունը կամ վճարից ազատված լինելու փաստաթուղթը եւ տալիս ԳԹԿ անձնական համար: Ընդունելության դիմում-հայտը լրացնելու համար անհրաժեշտ է նաև 3x4 չափի լուսանկարի էլեկտրոնային տարբերակը, անձնագրի կամ ծննդյան վկայականի պատճենը:

Միասնական քննությունների վճարից ազատվում են պարտադիր ժամկետային ծառայությունից զորացրված անձինք, 1-ին եւ 2-րդ խմբերի եւ մինչև 18 տարեկան մանկուց հաշմանդամները, ՀՀ պաշտպանության ժամանակ զոհված զինծառայողների երեխաները, առանց

ծնողական խնամքի մնացած մինչև 23 տարեկան անձինք:

Վերոգրյալ խմբերին պատկանող անձինք դիմում-հայտին համապատասխանաբար կցում են զինվորական գրքուկի պատճենը, հաշմանդամության տեղեկանքի պատճենը, ՀՀ պաշտպանության նախարարության, ՀՀ ՆԳ նախարարության եւ ՀՀ կառավարությանն առընթեր ազգային անվտանգության ծառայության կողմից տրված տեղեկանքների պատճենները, ինչպես նաև առանց ծնողական խնամքի մնացած լինելու վերաբերյալ համապատասխան փաստաթղթերի պատճենները:

«ՎՏԲ-Հայաստան» բանկ

ԻՋԵՑՐԵԼ Է ՓՈԽԱՆՑՈՒՄՆԵՐԻ ՄԻՋՆՈՐԴԱՎՃԱՐԸ

«ՎՏԲ-Հայաստան» բանկի հաճախորդներն այսուհետ կարող են ՌԳ-ից հեռախոսահամարով փոխանցումներ ստանալ կրկնակի իջեցված միջնորդավճարով՝ գործարքի գումարի 0,5%-ի չափով:

Հեռախոսահամարով փոխանցումները հասանելի են Ռուսաստանից դեպի Հայաստան ուղղությամբ: Գործարքն իրականացնելու համար ռուսաստանյան BTB OHLAՍH հավելվածի օգտատիրոջն անհրաժեշտ է անցնել Սлaтeжy բաժին եւ ընտրել B дpыгyе cтpаны գործողությունը, ապա նշել երկիրը Армения եւ Пo нoмepу тeлeфoнa, այնուհետև կոնտակտների ցանկից պետք է ընտրել ստացողի հեռախոսահամարը, նշել գումարը եւ հաստատել փոխանցումը: Մինչ

գործարքը հաստատելը ուղարկողը տեսնում է մուտքագրվող գումարը ՀՀ դրամով, ինչպես նաև գանձվող միջնորդավճարի չափը: Գումարը մուտքագրվում է հաշվին ակնթաթթոյն:

«ՎՏԲ-Հայաստան» բանկը Ռուսաստանի հետ դրամական փոխանցումների առաջատարներից մեկն է: Նախորդ տարվա արդյունքներով՝ բանկի մասնաբաժինը երկրի շուկայում ռուսաստանյան օգտատերերին փոխանցումների քանակով կազմել է 17%, իսկ Ռուսաստանից դեպի Հայաստան փոխանցումների մասնաբաժինը՝ 10%: Անցյալ տարի «ՎՏԲ-Հայաստան» բանկը դարձավ առաջին գործընկեր բանկը, որտեղ «ՎՏԲ»-ն գործարկեց հեռախոսահամարով փոխանցումները: Ռուսաստանից «ՎՏԲ-Հայաստան» բանկը բջջային համարով կատարված փոխան-

ցումների ընդհանուր թիվը վեց ամսվա ընթացքում գերազանցել է 40 հազարը, իսկ փոխանցումների ընդհանուր ծավալը հասնում է ավելի քան 2 մլրդ ՀՀ դրամի»,- նշել է «ՎՏԲ-Հայաստան» բանկի գլխավոր տնօրենի ժ/պ Տարաս Կլաշչենկոն:

Դեպի «ՎՏԲ» բջջային համարով փոխանցման օրական առավելագույն գումարը կազմում է 50 հազար ՌԴ ռուբլի, ամսական՝ մինչև 300 հազար ՌԴ ռուբլի:

Ծառայության վերաբերյալ մանրամասն տեղեկություններ կարելի է ստանալ «ՎՏԲ-Հայաստան» բանկի պաշտոնական կայքում, բանկի մասնաճյուղերում կամ զանգահարելով Կոնտակտային կենտրոն 8787 հեռախոսահամարով:

«ՎՏԲ-Հայաստան» բանկը վերահսկվում է ՀՀ ԿԲ կողմից:

«Օղովորդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՀԱՆՐԱՅԻՆ

ԿԳՄՄՆ-ՈՒՄ ԱՆՑԿԱՑՎԵԼ Է ԲՅՈՒՋԵԻ ԲՆՆԱՐԿՈՒՄ

ArmLur.am-ը ՀՀ ԿԳՄՄՆ հասարակայնության հետ կապերի և սեղեկավորյալ վարչությունից սեղեկացավ, որ միջնաժամկետ բյուջեային հայտում առաջարկվում են կրթական մի բարձր նախաձեռնություններ: ԿԳՄՄՆ-ում անցկացվել է կրթության ոլորտի 2024-2026 թթ. բյուջեային հայտի և միջնաժամկետ ծախսային ծրագրի հանրային քննարկումը: Ոլորտային գործունեություն իրականացնող հասարակական կազմակերպությունների ներկայացուցիչների համար քննարկումը վարել է ՀՀ կրթության, գիտության, մշակույթի և սպորտի նախարարի տեղակալ Արաբյան Սվազյանը:



Արաբյան Սվազյանն անդրադարձել է 2022 թ. ՀՀ Ազգային ժողովի ընդունած Կրթության մինչև 2030 թվականի զարգացման պետական ծրագրի այն կետերին, որոնցով սահմանվել են կրթության ոլորտի զարգացման տեսլականը, վերջնական նպատակը և ռազմավարական ուղղությունները և ներկայացրել նախանշված հիմնական աշխատանքները: Ռազմավարական նպատակի իրականացման համար սահմանվել են 3 ուղղություններ՝ համընդհանուր ներառական սովորողակենտրոն և մասնակցային կրթական միջավայրի ստեղծում, կրթության արդյունավետության բարձրացում, կրթական ծառայությունների արտադրանքի միջազգայնացում և արտահանում: Նախարարի տեղակալը մանրամասն ներկայացրել է 2024-2026 թվականների ՄԺԾ նախագծում նախատեսվող հանրակրթության և նախնական ու միջին մասնագիտական կրթության ուղղություններով նոր նախաձեռնությունները: Ըստ նախարարի տեղակալի՝ հիմք ընդունելով ՀՀ կառավարության 2021-2026 թվականների և Կրթության մինչև 2030 թ. զարգացման պետական ծրագրերը, 2026 թվականի համար սահմանվել են կրթության զարգացման համար մի շարք կարևորագույն թիրախներ՝ ապահովել առնվազն 500 մասնակապարտեզի և 300 դպրոցի կառուցումը, հիմնանորոգումը կամ վերանորոգումը, նախադպրոցական հաստատություններում ընդգրկված 3-5 տարեկան երեխաների թիվը հասցնել առնվազն 85 տոկոսի: Նախատեսվում է նաև ներդնել մասնավարձերի աշխատանքային առաջնացման, մասնագիտական շարունակական զարգացման և վարձատրության փոխկապակցված մեխանիզմներ, հանրապետության բոլոր դպրոցների բոլոր դասարաններում ամբողջական ներդնել հանրակրթության նոր չափորոշիչները, բարելավել կրթության որակը՝ հատկապես ԲՏՃՄ ուղղություններով, և այլն: Խոսելով հանրակրթության և արտադպրոցական կրթության ծրագրերի մասին՝ մասնավորապես առանձնացրել է «Ապահով դպրոց» և «Կրթության որակի ապահովում. ուսուցիչների մասնագիտական զարգացում» ծրագրերը:

Փոխնախարարի խոսքով՝ «Ապահով դպրոց» ծրագրի շրջանակում 2024-2026 թթ. նախատեսվում է ՀՀ Սյունիքի մարզի գյուղական բնակավայրերում կառուցել կրթական որակյալ ծառայությունների հասանելիությունն ապահովող կրթական կենտրոններ: Սյուն կարելու ծրագրերից է արվեստի և սպայական ավագ դպրոցների ստեղծում՝ առանձնահատուկ և արդիական կրթական ծրագրերի ներդրմամբ, նորակառուց ենթակառուցվածքներով և կերտմաննակակից ծառայությունների հասանելիությունն ապահովմամբ: Ծրագրի հիմնական շահառուները հանրապետության դպրոցների 10-12-րդ դասարանների սովորողներն են: ՄԺԾ ծրագրում կարելուվել է նաև «Կրթության որակի ապահովում. ուսուցիչների մասնագիտական զարգացում» ծրագիրը, որի շրջանակում 2024-2026 թթ. համար նախատեսվում է մասնավարձահոգեբանական աջակցության ծառայություններ մատուցող մասնագետների մասնագիտական առաջնացման ներառյալ ատեստավորման հնարավորությունների ընդլայնում՝ փոխկապակցվելով այն աշխատանքի արժանապատիվ վարձատրության մեխանիզմների և մասնագիտական ստանդարտների հետ: Քննարկվել է նաև «Կամավոր ատեստավորման նոր համակարգի ներդրում ուղղված արտադպրոցական ուսումնական հաստատությունների մանկավարժական աշխատողների որակի բարձրացմանը» նոր նախաձեռնությունը, որի արդյունքում կկարգավորվեն պետական կամ համայնքային ոչ առետրային կազմակերպություն հանդիսացող արտադպրոցական ուսումնական հաստատությունում դասավանդող մարզիչ-մանկավարժի, խմբակավարի, դասատուի, ինչպես նաև որել արտադպրոցական ուսումնական հաստատությունում չաշխատող և մանկավարժական աշխատող պահանջները բավարարող անձի կամավոր ատեստավորման կազմակերպման, անցկացման և այլ հարցեր: Ներկայացվել են նաև «Նախնական (արհեստագործական) և միջին մասնագիտական կրթություն» ծրագրի շրջանակում 2024-2026 թթ. համար նախատեսվող նախաձեռնությունները: Այս համատեքստում Արաբյան Սվազյանը կարելուել է ՄԿՈՒ հաստատությունների քարտեզագրմանը, մասնավոր հատվածի հետ համագործակցությանը, աշխատանքի վրա հիմնված ուսուցմանը, ինստիտուցիոնալ և ծրագրային հավատարմագրմանը, ենթակառուցվածքների, նյութատեխնիկական բազայի ապահովմանը, ուսումնական հաստատությունների մանկավարժական աշխատողների ատեստավորմանը, տարակարգի շնորհմանը միտված նոր գործընթացները:

ԼՈՒՐԵՐ

ԿԾԱՂԿԻ ԱՌԱՋԻՆ ԱՆԳԱՄ



4 տարում առաջին անգամ Նյու Յորքի բուսաբանական այգում կծաղկի հսկայական դիադեմա: Այն հայտնի է նաև որպես Ամորֆոֆալոս տիտանական, կարող է հասնել 12 ֆուտի (ավելի քան 3,6 մետր) և ծաղկել 7-10 տարի (ծաղկումը տևում է 24-36 ժամ): Սա հավաղեպ տեսարան կլինի Նյու Յորքի բնակիչների համար, որոնք կցանկանան զգալ նրա զգվելի բույրը: Այն փողոցի մի հոտ ունի: Բուսաբանական այգին կազմակերպել է ուղիղ հեռարձակում, որպեսզի ծաղիկների սիրահարներն ամբողջ աշխարհում կարողանան հետևել այդ տեսարանին՝ սպեցիֆիկ «բույրը» չզգալով: Բուսաբանական այգու ներկայացուցչի խոսքով՝ ծաղիկն իր հզոր զարմահոտությամբ գրավում է փոշոտող միջատներին, որոնք սնվում են մեռած կենդանիներով: Տարիներ են անհրաժեշտ, որպեսզի ծաղիկն իր կոկոնը ձեւավորի, բայց հենց դա տեղի է ունենում, ծաղիկներն անհավանական արագությամբ են բացվում: Ամորֆոֆալոս տիտանականը Նյու Յորքի բուսաբանական այգում ծաղկել է 2016, 2018 և 2019թթ.:

ՆՎԱՃԵԼ ԵՆ 7 ՈՍԿԵ ՄԵԴԱԼ

Էստոնիայի մայրաքաղաք Տալլինում անցկացված հունահռոմեական ոճի ըմբշամարտի միջազգային մրցաշարում Հայաստանի ներկայացուցիչներ Կարեն Ալանյանը (72 կգ) և Դավիթ Օվասայանը (130 կգ) դարձել են հաղթող. հաղորդում է ՀՀԹԻ մամուլի ծառայությունը: Պատանեկան մրցաշարի ոսկե մեդալակիրներ են դարձել Յուրի Միխայրայանը (45 կգ), Լիպարիտ Սկոտչյանը (48 կգ), Սամվել Տերտերյանը (60կգ), Պետրոս Ավարյանը (65 կգ) և Գրիշա Ոսկանյանը (92 կգ): Արծաթե մեդալներ են սկսվել Աբգար Պետրոսյանը, Հայկ Քալաշյանը (60կգ) և Գոռ Խաչատրյանը (71կգ): Բրոնզե մեդալներ են սկսվել Յուրիկ Կարապետյանը (55 կգ), Արթուր Ամոյանը (65 կգ) և Էրիկ Տեր-Մաթեոսյանը (80 կգ):

«ԿՅԱՆՔԱ»

ՀԱՅՏՆԻՆԵՐԸ՝ ԱՂԱՄ ՄԱՆՈՒԿՅԱՆԻ ՍՏԵՆԴԱՓԻՆ

Ադրիլի 1-ին կայացավ սիրված դերասան, հումորիստ Աղաս Մանուկյանի «Կյանքս» ստենդափը: Բացի դերասանի երկրպագուներից, դահլիճում էին նաև նրա ընկերները՝ Գրիգոր Դանիելյանը, Գարիկ Սեփիանյանը, Ժաննա Բուտուլյանը, Ռաֆայել

Երանոսյանը, Լեոն Հարությունյանը, Արմեն Վարդանյանը, Անիտա Ավանեսյանը, Դիաննա Գրիգորյանը և այլք: Աղաս Մանուկյանը «Կյանքս» ստենդափով ներկայացնում է իր կյանքը՝ վերածելով այն հումորի: Նա անդրադառնում է մանկությունից մինչև մեր օրերը, բոլոր հումորները հիմնված են իրական

պատմությունների վրա, այսպիսով դերասանը կրեատիվ ձեւով պատմում է իր պատմությունն ու իր անցած ուղին: Նշենք, որ «Կյանքս» ստենդափի առաջին պրեմիերան տեղի է ունեցել մարտի 15-ին և 16-ին:

● Ապրիլի 5-ին «Մեցքո» ակումբում տեղի կունենա By The Way համերգային փառատոնը: Տոմսերի արժեքը՝ 4000 դրամ: Սկիզբը՝ ժամը 21:00-ին:



Էջը՝ ՌՈԶԱ ՊՈՂՈՍՅԱՆԻ

ՍՈՑԻԱԼԱԿԱՆ

ՀԱՐՑ. Խնդրում եմ ասել՝ ինչո՞ւ են հազարավոր խնամասար ընտանիքներ երեխային դաժակաբար սրվող ամսական դրամական միջոցները:
Անախա Միրզոյան (42 տարեկան)



ՊԱՏԱՍԽԱՆ. Հայտնում ենք, որ խնամատարության բոլոր տեսակների համար յուրաքանչյուր երեխայի խնամքի եւ դաստիարակության համար տրամադրվող միջոցների ամսական չափը կազմում է տվյալ տարվա ՀՀ պետական բյուջեով մեկ երեխայի խնամքի համար մանկատներում նախատեսված գումարի չափ: Ընդհանուր տիպի խնամատար ընտանիքներում խնամվող յուրաքանչյուր երեխայի խնամքի եւ դաստիարակության դիմաց տրվող վարձատրության ամսական չափը կազմում է «Նվազագույն ամսական աշխատավարձի մասին» ՀՀ օրենքի 1-ին հոդվածով սահմանված նվազագույն ամսական աշխատավարձի չափով:

Մասնագիտացված խնամատար ընտանիքներում խնամվող յուրաքանչյուր երեխայի խնամքի եւ դաստիարակության դիմաց տրվող վարձատրության ամսական չափը կազմում է «Նվազագույն ամսական աշխատավարձի մասին» ՀՀ օրենքի 1-ին հոդվածով սահմանված նվազագույն ամսական աշխատավարձի եւ 30 տոկոս հավելավճարի չափով:

Ճգնաժամային եւ արձակուրդային խնամատար ընտանիքներում խնամվող յուրաքանչյուր երեխայի խնամքի եւ դաստիարակության դիմաց վճարումն իրականացվում է երեխայի փաստացի խնամված օրերի թվով՝ համաձայն պարզ հաշվարկի՝ ամսական աշխատավարձն ամսական միջին օրերի (30.4) վրա բաժանելու հաշվարկով:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Յուրաքանչյուր հաջորդ երեխայի համար խնամատար ծնողը ստանում է 100 տոկոս աշխատավարձ եւ խնամքի եւ դաստիարակության համար տրվող գումար:

ԿԱՐԳ

ՀԱՐՑ. Ուզում եմ իմանալ՝ որքան ժամանակ է վարկային ՏԵՂԵԿԱՅՎՈՒՄՆԵՐը դաժակաբար սվյալների բազայում:
Տիգրանուհի Հայրապետյան (37 տարեկան)



ՊԱՏԱՍԽԱՆ. Քաղաքացու հարցին ի պատասխան՝ տեղեկացնում ենք, որ վարկային բյուրոն չպետք է ներառի վարկային գեկույցում վարկային տեղեկատվության սուբյեկտի վերաբերյալ վարկային գեկույցի տրամադրման պահին նախորդող հինգ տարուց ավելի վարկային տեղեկատվություն: Հինգ տարին ավարտվելուց հետո նշված տեղեկատվությունը արխիվացվում է (ըստ «Վարկային տեղեկատվության շրջանառության եւ վարկային բյուրոների գործունեության մասին» Հայաստանի Հանրապետության օրենքի 11-րդ հոդվածի 6-րդ կետի 2-րդ ենթակետի):

Ֆինանսական համակարգի հաշտարար

«ԺՈՂՈՎՈՒՐԳ». Վարկային տեղեկատվությունը կամ «վարկային պատմությունը» Ձեր (վարկառուի) վերաբերյալ վարկային տեղեկատվությունն է, որը բնութագրում է Ձեր կողմից ստանձնած վարկային պարտավորությունների մասով պարտքերը, վճարումները, վճարումների սովորությունները կամ պարտավորությունների կամ դրանց կատարման վերաբերյալ տեղեկատվություններ:

ԼՈՒՐ ԿԱՐԴ

Լուսանկարն արվել է Իսրայելում



Իսրայելի Պետախ Տիկվա քաղաքի Հանրային այգին պաշտոնապես վերանվանվել է աշխարհահռչակ հայազգի շանսոնյե Շառլ Ազնավուրի անունով: Այգին Ազնավուրի անունով վերանվանելու որոշումը միաձայն ընդունել էր քաղաքային խորհուրդը՝ քաղաքապետ Ռամի Գրինպերկի գլխավորությամբ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուկ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	- 1 + 2 - 12 + 16	Արարատ	+ 6 + 9 + 19 + 22
Կոտայքի լեռներ	- 0 + 2 + 11 + 15	Արմավիր	+ 4 + 8 + 19 + 21
Կոտայքի նախալեռներ	+ 4 + 7 + 15 + 18	Վայոց ձորի լեռներ	- 2 + 1 + 8 + 11
Գեղարքունիք	- 3 + 2 + 9 + 12	Վայոց ձորի նախալեռներ	+ 5 + 8 + 19 + 22
Լոռի	+ 2 + 7 + 13 + 17	Սյունիքի հովիտներ	+ 6 + 10 + 18 + 23
Տավուշ	+ 4 + 8 + 16 + 19	Սյունիքի նախալեռներ	+ 2 + 5 + 13 + 18
Արագածոտնի լեռներ	- 2 + 2 + 10 + 13	Արցախ	+ 5 + 10 + 18 + 23
Արագածոտնի նախալեռներ	+ 4 + 7 + 16 + 20	Երեւան	+ 4 + 6 + 18 + 20

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 3.04.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: